

VERA NARRATIO *A* 13  
ANONIZATIONIS

ANCTI DIDACI COMPLUTEN-  
SIS ORDINIS S. FRANCISCI  
DE OBSERVANTIA,


in cum maxima sollemnitate celebravit S.D.N.  
Pont. Max. Sixtus, eius nominis Quintus.

*Unctā oratione narratoria, ab Illmo & Rmo D. Car-  
ale Marco Antonio Colonna de eadem, coram Pon-  
tifice summo, habita in Conventu publico 11 Calend.  
Iulij 1588.*

exa etiam oratione Pompeij Arigonis Consistorialis Re-  
isque Catholici aduocati, in publico quoque Consistorio  
habita, 7. Cal. Iulij eiusdem anni; cum oratione responso-  
a Antonij Boccapadulae, qui tum Pontifici erat à secretis.



TECA NAZ  
OMA  
E MANUELE.



LOVANII,

Romano exemplari excudebat Ioannes  
Masius, Typog. Iuratus. 1588.

*Iussu & auctoritate Superiorum.*



**R**

agnoscit. Verum  
reputat, quam e  
vitz sanctitate f  
se illustratam ad  
totis genere, in  
exercitati, tanta  
honoris gradus  
na ecclesia ad su  
nint, diuorumq;  
stiano in exemp  
meruerint, fidi  
ad eorum præsid  
fugiant.

In quorum nu  
riosus Confessor  
ducq; vitz cur  
iam plurimis is  
tis non leuib  
mortem miracu  
tens & edidit sæ  
infrequēter ad e

ERA NARRATIO CANO-  
nizationis Sancti DIDACI Complutensis,  
Ordinis S. Francisci de Observantia.

**R**VRIMIS maximisq; beneficiis,  
bene fortunatam omniq; gloria  
abundantem Hispaniam, Dei be-  
nignitas cumulatissimè semper af-  
fecit. Quo quidem nomine pluri-  
mum quoq; se Deo debere, libens  
oscit. Verum nulla pluris facit, nulla ampliora  
utatur, quam quod omni pænè ætate, viris eximia  
sanctitate fulgentibus, à diuina misericordia  
illustratam aduertit: qui in ea nati, ac in omni vir-  
s genere, in sanctæ inculpatæq; vitæ ratione,  
recitati, tantam gratiam, tamq; sublimes veri-  
oris gradus sunt adepti; vt in catholica Roma-  
ecclesia ad supremæ dignitatis apicem ascende-  
re, diuorumq; cathalogo asseribi, & populo Chri-  
stiano in exemplum, quod sedulo imitetur, proponi  
meruerint, fidi apud Deum intercessores; quoties  
eorum præsidium piè humiliterq; homines con-  
iungunt.

in quorum numero ac felici cœtu sanctus ac glo-  
rius Confessor F. Didacus fulget: qui mortalis ca-  
ræq; vitæ curriculo piè religiosèq; peractò, cum  
plurimis iisque illustribus (singularis sanctita-  
tion leuib; indiciis) tum in vita, tum etiam post  
mortem miraculis claruisset, quæ Deus omnipo-  
tens & edidit sapius, & hac quoque tempestate non  
equèter ad eius intercessionem edere dignatur:

A ij 15 cumq;

eamq; Sanctissimo D. N. Sixto eius nominis quinto plenè legitimèque constitisset in beato illo verèque sancto viro omnia concurrere, quæ ad eius canonizationem, summa cum sollemnitate, pro veteri ac recepto ecclesiæ more, celebrandam requirebantur: in cæterorum diuorū numerum eum referre, qui optatissimo Dei conspectu iugiter in cælo perfruantur, non detrectauit. Quod quemadmodum successerit; iis primum, quæ de vita ac morte eius præmittenda sunt, explicatis; breui perspicuoq; orationis filo explanabitur.

Beatus itaque Didacus ex pago quodam Hispanensis diocesis, vulgata voce (castellum S. Nicolai) appellato, qui inter Cōstantinam & Gazzallam mediū est, humilibus quidē sed Christianis, piis, maturæq; ætatis parentibus ortus (vti generosam illam arborem decebat quæ ex tali stirpe proditura erat, vt suauissimis copiosissimisque sanctissimæ vitæ fructibus in Dei Ecclesia abundaret) cum ad eā vitæ partem prouectus esset, quæ pleno solidoq; rationis vsu viget: Diui Hilarionis exemplo, mundanis negocijs occupationibusque valedicens, non procul à natali solo, cum inculpatæ vitæ presbytero vitam eremiticam aliquādiu exercuit. in qua bonitatis, integritatis, virtutumque aliarum luculenta indicia præbuit, ac admirandæ perfectionis subsecutæ fundamenta iecit. mox solitudine relicta, feruenti accensus desiderio vt Seraphici Patris Diui Francisci vestigiis insisteret, religionis illius ac ordinis sumpto habitu, in monasterio Arizazafat Hispanica voce nominato, non procul à ciuitate Corduba, monastica vitæ professionem edidit; & in dura paupertate, simplici humilitate,

litate promptaque obedientia & pura castitate perseuerauit. tandē in orationibus assiduīs, rigida abstinentia, & omni virtutis genere mirificē exercitatus, cum martyrij desiderio pro Christi amore fortiter sustinendi ad insulas fortunatas (Canarias vulgus appellat) iter direxit: vbi numerosam infidelium turbam ad euangelicā veritatis lucē pertraxit. quod cum pro voto successisset: diuinæ voluntatis instinctum secutus in Hispaniam reuersus est.

Anno à Christo nato 1450, qui Iubilæus erat, Romam venit, eo ferè tempore quo F. Bernardinus Senensis diuorum consortio fuerat adscriptus. inde in Hispaniam iterum reuersus in monasterio, in honorem Beatæ Virginis de Saliceto in Castellæ prouincia erecto, aliquamdiu commoratus, ad cœnobium quoddam Complutum se recepit. quo in loco sanctissimis semper operibus inter cæteros conspicuus reliquum vitæ cursum peregit.

Quò feliciter absoluto, cum prouectæ iam ætatis esset, & ex mûdi carcere ad cælestis vitæ libertatem eum reuocare bonorū omnium remuneratori Deo placuisset, vt plenam ei pro piè religiosèque factis, mercedem cumulatissimè persolueret: pridie idus Nouembris, anno redemptionis humanæ 1463. Compluti, ex hac mortali vita, æterna fruiturus, excessit.

Ex corpore defuncti suauissimus odor ascēdit: qui ad multos menses grata fragrantia locum omnē, vbi animam efflauerat, impleuit; quique hodie etiam, præsertim quando singulare aliquod miraculum e-  
dit, sæpe percipitur.

Eodem anno 1463, Rex catholicus Henricus

Castellæ eius nominis quartus, cum S. Didaci visendi causa Complutum venisset, corpus eius ferreo tymbo includi ac in sacello quodam reponi iussit, in quo ad annum vsque 1562. conqueiuit. Tū enim ad serenissimum Hispaniæ Principem Carolum (vix mox dicitur) delatum fuit, ita plane integrū & incorruptum, ac si eodem die terræ conditum fuisset.

Quoniam autem laicus erat & idiota, nullis omnino litteris imbutus, ad Sacerdotalem dignitatem promotus non fuit: quamquam tamen (quod admiratione dignum est cum nullam vnquam operā litteris nauasset) quoties de rebus grauib. ac serijs sermo incidebat, tam solidè de ijs differebat; atque si in sublimioribus scientijs, & præsertim in Theologica facultate, multam ac sedulam operā posuisset.

Dum adhuc inter viuos ageret, ac posteaquam è vita excessissit, per-illustria ac pænè infinita miracula, in plurimis diuersis infirmitatibus laborantibus, per diui huius suffragia omnipotens Deus & edidit sæpe, & hodie etiam non raro edit: quod certe argumentum est euidentissimum S. Didacum in supernis illis ac beatis sedibus felicissimo Dei aspectu perfui.

Porro inter plurima quibus claruit miracula, illud postremum minimè videri debet: cū Carolus Hispaniarum tum temporis Princeps, anno instauratæ salutis 1562 Compluti letali morbo correptus, & ad medicorum desperationem ex vulnere in capite accepto grauissimè laborans, extremo tentato refugio ad S. Didaci corporis præsentiam confugisset: minimo temporis interuallo diui suffragijs pristinæ sanitati restitutus fuit.

Quo

Quo miraculo Philippus Rex catholicus & Princeps filius excitati, in grati animi significationem, pro tam singulari beneficio diui intercessionem ob-  
tento, litteris pridie Calend. Martij anno reparatae salutis 1563 perscriptis, Pium Quartum Pontificem maximum gestae rei certiolem fecerunt; suppliciter contendentes, ut ad Dei sanctique gloriam, in diuorum numerum eum referre sanctitas sua dignaretur.

Quod ut facilius citiusque impetrarent, amplissimo viro D. Ludouico Requesentio, Castellae equiti supremo, regio in vrbe oratori, in mandatis dedit, ut iustissimas praegnantissimasque causas, quae ad canonizationem plurimae & grauissimae concurrerant, coram Pontifice summo exponeret: praesertim cum integritas vitae, quam sanctissime inculpatissimeque peregerat, & miraculorum multitudo, quibus tum in vita tum etiam postquam ad beatas sedes emigrasset & claruerat saepe, & hoc etiam tempore frequenter claret: manifestam adeo ac indubitam sanctitatis suae fidem perhiberent, cuius merito, cum beatis spiritibus, gratissimo Dei aspectu in caelis perfruitur.

Praeterquam itaque, quod canonizatio ista ad Pontificis gloriam quoque non mediocrem pertineret, Rex etiam cum Principe filio pro feruentissima sua in sanctum Dei pietate ac deuotione eam instantissime efflagitabant: quam si impetrarent, magni beneficii loco essent habituri.

Postquam verò Princeps à vita migrasset, saepius ac diuersis vicibus apud sedem Apostolicam pro impetranda canonizatione Rex catholicus egit, certo



sibi persuasum habens, se sancti huius merito ac apud Deum interuentu vberem gratiam obtinuisse, felicissimosque regni successus habuisse.

Pro eadem etiam canonizatione supplices se coram S. D. N. Pio quarto obtulerunt Toletani Archiepiscopus administratores, litteris ob eam causam exaratis 5. Cal. Septembris, anno recuperatæ salutis 1567. R<sup>di</sup> quoq; patres S. Francisci, ex Prouincia Castellæ, litteris 8 Idus Iunij perscriptis, tum vniuersitas etiam Complutensis, litteris eodem anno datis, Abbas præterea & Capitulum ecclesiæ collegiatæ S. Iusti, & Complutensis ecclesiæ Pastor, litteris 3 Calend. Maij, & 16 Calend. Septemb eiusdem anni Romam missis.

Et antea etiam Rex Catholicus cum Principe filio, eiusdem rei causa 8 & 7 Idus Februarij, anno redemptionis humanæ 1564, singularem curâ huius negocij conficiendi supra nominato equiti supremo Castellæ, legato suo commiserunt. qui ob id in consistorio supplex comparuit, obnix è petēs, vt S. D. N. curam inquirendi in vitam & mores sanctissimos, ac miracula S. Didaci quibusdam demandaret. quem cum placidè Pontifex audiuisset: Illustrissimis viris ac Cardinalibus, Morono, Saraceno, Alexandrino, (qui postea fuit Pius Quintus) Araceli & Vitellio, munus istud iniunxit, cum potestate subdelegandi, si rei necessitas exigeret. Omnes itaq; commissi sibi muneris authoritate, 3 Nonas Maij, anno salutis humanæ 1564 subdelegauerunt eximios ac reuerendissimos viros Didacum Couarruiâ Segobiensem, Bernardum Fresnedam Cuencensem, & Petrum de la Gasca Segontinum, episcopos, cum facultate, vt  
vel



vel simul omnes, vel duo ex illis prædictum inquisitionis munus exequeretur. Quamobrem, ut commissam sibi subdelegationis functionem fideliter obirent, Complotum simul profecti, quæ ad inquirendi officium pertinebant, exactissimè præstiterunt: quodq; compertum habuerunt Romam atque adeo ad hanc curiam scriptum transmiserunt; idq; tempore Pontificatus Pij Quarti.

Quo postea vita defuncto, eademq; inquisitione in consistorio coram Pio Quinto eius in Apostolica Sede successore, 6 Idus Maij anno 1566 exhibita, Smus Pater supra nominatis Cardinalibus, & præterea Cardinali S. Clementis (quem in locum suum subrogabat) ut in suscepto inquisitionis negotio progredierentur mandavit.

Illi itaque compulsorias & remissorias litteras ad prænominatos Antistites dirigendas decreuerunt: quibus ritè legitimèq; in Hispaniam perlatis, postriedie Nonarum Februarij, anno 1567. Procuratorem Camerae (quem vocat) Compluti citato, ad octuaginta gravissimorum testium examen processerunt. quibus auditis, scriptisq; omnibus ac instrumentis negotium hoc tangentibus collectis, clausum sigilloque munitum processum ad Romanam hanc curiam transmiserunt.

Cum igitur sanctissimæ Canonizationis huius negotium hucusq; esset perductum: ac interim per Henricum Guzmánnum comitem Olivariū, suumque in Romana curia legatum, qua ceperat diligentia, urgere Catholici Regis Maiestas pergeret: S. D. N. Sixtus Quintus speciali rescripto, manu sua, secundum consuetum in talibus causis fori usum, sub-

A v signa-

signato, D. Rofsio Decano, & D. Robusterio rotæ Auditori mādauit, idq; 4 Calend. Iulij, anno 1585, vt processum viderent, excuterent, ac in ordinem redigerent. qui posteaquam in singulorū discussione menses aliquot desudassent, subsequentes articulos ad S. D. N. retulerunt.

Quod acta omnia iure legitimèque fuissent recognita & explanata.

Quod remissoriarum litterarum testes secūdum legum præscripta essent examinati.

Quod testes exceptionem nullam paterentur, sed plenam rei fidem facerent.

Quod testes litterarum compulsoriarum vi admissi & legitime fuissent examinati, & scripturæ cū fide descriptæ, sic vt fidem omnibus facerent.

Quod librum miraculorum, quo amplius quam 130 miracula S. Didaci patrocinio edita continebātur, ex archiuis seu grammatophylacio conuentus fratrum de obseruātia Sanctæ Mariæ Iesv Hispanico idiomate appellato, compulsoriarum litterarū iussu, Compluti productū probabili forma ac stylo conscriptum esse, fidemq; facere, iudicaret: quodque recognitionē etiam (prout præ antiquitate fieri poterat) factam, cum duobus & quinque alijs quaternionibus, ac instrumento quoque inquisitionis, in castello Sancti Nicolai S. Didaci loco natali confecto, comprobarent.

Quod in eodem castello, de sancto Didaco fratre laico, professo ordinis sancti Francisci, anno. 1463 vita defuncto, optimè omnibus constaret: quodq; quam diu lucis huius vsura fruebatur, sanctum ac verè religiosum vitæ institutū amplexus & optimè  
sem-

semper apud omnes audiuerit, & sanctam, castam, simplicem, humilem, caritatisq; officiis fulgentem vitam egerit eleemosynis & misericordiae operibus erga Christi pauperes clarus: quod pro Christi nomine persecutiones plurimas ac molestias fortiter patienterque sustinuerit: denique quod & cum adhuc inter viuos versaretur, & cum iam vitam cum morte commutasset pro tali, qualem paulo ante depinximus, semper fuerit habitus: quod exangue eius corpus ab anno 1563, in sacello sancti Didaci, quod in æde sanctæ Mariæ Ies. v (vbi hodie quoque integrum asseruatur) visitur, sepultum con- quieuerit: adeo vt & cum adhuc viueret, & postquam de vita exiuiisset, pro sancto habitus & ab optimis quibusque singulari veneratione cultus fuerit: quod indubitata fide constaret, S. Didacum ætate iam senioque grauem, pridie Idus Nouembriis anno 1463, perennis vitæ munere potiri cœpisse.

Quod in remissoriarum processu publicæ famæ testimonio probaretur S. Didacum, cum adhuc viueret, pro sancto habitū fuisse, quodq; in miraculorum quoq; volumine idipsum assereretur non paucorum oculatorū testium sententiis, qui eum & probe nouissent, eoq; familiariter aliquādo vfi fuissent.

Quod plurima miracula sancti huius patrocinio ac merito in plurimis vtriusque sexus hominibus manifestata argumentis eidentibus probarentur.

Et amplius, quod de multis quoque specialibus miraculis plenè constaret, tum maximè de eo quo illustrem matronam Mariam Penuelam paralyticā sanitati restituiisset: vbi illud quoque silentio neutiquā est prætereundum, quo Hispaniarū Principem

Caro;

Carolus sanasset : vti paulo ante retulimus.

Ex quo Auditores rotæ, quibus à Pontifice negotium hoc demandatum fuerat, processum, inquisitionem, & probationes legitimè plenissimèque esse discussas, causamq; ipsam secundum iuris ordinem instructam, & ad canonizationem debitè præparatam esse, decernebant.

Vnde S. D. N. relatione hac exhita cum consilio sacri Cardinalium Collegij, in publica cōcione, decimo Calend. Februatij, anno 1587 habita : Illustrissimis ac Reuerend. Cardinalibus Alexandrino Farnesio Sanctæ Ecclesiæ Vicecancellario, Marco Antonio Colonna, Michaeli Bonello Alexandrino, Iulio Antonio Santorio S. Seuerinæ, Antonio Caraffæ, Constantio Sarnano, Ferdinando Mediceo, & Hieronymo Mattheio, mandauit ; vt, quanta fieri posset diligentia, informationem, probationes, testiū depositiones discuterent, & quicquid maturè attentaque consideratione dignum iudicarent, omni adhibita sedulitate, æqua solidæ rationis trutina examinerent.

Qui cum exactissimo studio ac indefesso labore acta omnia inspexissent ; & quod Auditores rotæ statuerant, doctissimorum grauissimorumq; Aduocatorum accedente operâ maturè expendissent, consuetâ in huiusmodi actionibus, styli ratione seruata : cumq; conclusiones à rotæ Auditoribus propositas disputando excussissent, & sigillatim singulas approbassent : plurimaque præterea miracula sancti Didaci suffragiis prodita rata habuissent : tandem pridie Idus Iunij anno 1588, sollemni indiuiduæ Trinitatis die, cōgregatione in Palatio Illustrissimi Cardinalis

dinalis Farnesij indicta, cum summa animorū consensione, omniumque applausu, dubitationis omnis materia sublata statuerunt: si S. D. N. ita videretur, integrum esse ad S. Didaci inaugurationem procedere, præsertim cum de singulari planè ac eccellente vitæ eius sanctimonia, de puritate, de fide, de feruētī caritate, bonis operibus, pluribusque miraculis, intercessionē eius manifestatis; plenissimè cumulatissimèque constaret.

Porro iuridica hæc & legitima deliberatio breuī quidem sed Latina, ac eleganti orationis filo cōtexta oratione, ab Illmo Cardinali Marco Antonio Colonna in conuentu, in duodecimum Calend. Iulij Anno 1588. conuocato, declarata fuit.

Quam cum auidis auribus summaque cum attentione Pontifex ipse & sacrum Cardinalium collegium excepissent: cumque miram vitæ sanctitatem, fideique, puritatem, ceteraque omnia ad eius canonizationē necessaria, maturo iudicio approbata, & sanctificatione digna cōperissent, adeo ut optimo inre decernenda omnibus videretur: excussis expensisque omnibus, qua fieri poterat sagacitate, celebrandam omnino esse Sanctitas D. N. statuit ac definiuit.

Quam quidem ob rem in diem sabbati proxime sequentem, qui erat 7 Calend. Iulij, præsentis anni, 1588, consistorio seu congregatione indicta, S. D. N. toga purpurea & inæstimabilis pretij tiarā conspicuo præsidente; seruatis omnibus, quæ ab iis præscribi solent, qui sacris in Ecclesia ritibus præfati sunt: Pompeus Arigonus Consistorialis, & Catholici Regis aduocatus, cum cōcinna, graui ac eloquendi artificio insigni oratione, pium iuxta ac sanctum

Regiæ

Regiæ Catholicæque maiestatis zelum exposuisset, quo canonizationem hanc fieri diu multumque efflagitarat: vitam quoque, actiones, & miracula S. Didaci coram vniuerso cœtu enarrauit, & supplicibus precibus Regiæ Maiestatis regnique procerum nomine postulauit, vt sollemnem S. Didaci apothecosin celebrari Pontificia autoritate pateretur.

Quæ oratione feruentis deuotionis significatione plenissima finita; Antonius Boccapadula Ecclesiæ S. Petri Canonicus, ac Pontifici summo à secretis, Sanctitatis D.N. nomine, assiduam Catholici Regis iustamque petitionem plurimum cõmendauit, eiusque tum pietatem tum flagrantis deuotionis stimulum prudenti verborum exaggeratione collaudauit; quod afflictissimis his, ac exulceratissimis tēporibus, tam multis tamque sibi pugnantis hereticorum sectis agitis, ad Dei tamen gloriam, fideique Catholicæ propagationem, & hæreticorum extirpationem, tam feruēti sedulitate canonizationem istam fieri postularet. Sed tamen quia res esset maximè seria, maximèque ardua, tanti ponderis ac momenti negotium maturiori cõsilio expendendum esse respondit. Quocirca sacrum Cardinalium collegium, Patriarchas, Archiepiscopos, Episcopos, Abbates, ceterosque Ecclesiæ Prælatos, ad quorum curam quidnam tanta in re ex cõmodo Ecclesiæ esset dispicere pertinebat, pia adhortatione stimulabat, vt huc cogitationes omnes conferrent, Deumque Opt. Max. quam possent feruentissimè precibus pulsarēt, vt ad nominis sui decus & gloriam actio tam celebris succederet.

In diem itaque Lunæ subsequentem, 5 Calend. Iulij, anno 1588, secundum ritus ac ordinem in huiusmodi

iusmodi negotijs seruari solitum Consistoriũ semi-  
publicum (quod vocant) indictum fuit: cui venerã-  
dum Cardinalium collegium, Patriarchę, Archiepi-  
scopi, Episcopi, Abbates, & rotę Auditores interfue-  
runt, Smo D. N. ephesri purpurea, & simplici au-  
reaque mitra fulgente, hĩc iterum præsidente: qui  
indicto, pro rei dignitate ac maiestate, omnibus si-  
lento, grauem orationẽ exorsus, tanto iudicio, tan-  
taque vocis maiestate, de maximi ponderis negotio,  
verba fecit; vt multis iisque efficacibus argumentis  
manifestum omnibus faceret, Sãctam Apostolicam  
sedem in diuorum canonizatione neutiquam errare  
posse. Sub finem vero prudentissimę pariter ac gra-  
uissimę orationis, quam attentis auribus venerandũ  
collegium totaque concio hauserant, Idem S.D.N.  
vt quid quisque de sacra ista inauguratione sentiret,  
liberis suffragiis proferret pręcepit. Atque ilico qui  
inter purpuratos Patres ætate ac dignitate cæteris  
anteibat, suffragium protulit: quem reliqui Cardi-  
nales, deinde Patriarchę, Archiepiscopi, & Episco-  
pi (ordine quisque suo) secuti, omnes liberis sententiis,  
quod sentiebãt, protulerunt, ac sine vlla votorũ dis-  
crepantia, vno ore, vnoque iudicio constituerunt;  
Quod cum de vitę sanctitate, de fidei constantia, &  
miraculorum patratiõne S. Didaci plenissimẽ con-  
staret: cæterorum diuorum albo, publica sollempniq;  
canonizatione ascribendus omnino videretur. La-  
tis, eo quo explicatum est ordine, suffragiis auditisq;  
cum maxima animi attentione omnium sententiis  
vt canonizatio, in diem Saturni, postridie Calẽd. Iu-  
lij, in quem Visitationis B. virginis Marię festiuitas  
incidebat, publicẽ sollempniterq; indiceretur, Ponti-  
ficio



ficio decreto S. D. N. sanxit; omnes interim ac singulos exhortans, ut liberalibus eleemosynis frequentibus ieiuniis, precibusque feruentibus Dei gratiam ac auxilium implorarent.

Euestigio Procurator fisci, Proto notarios Apostolicos, qui presentes aderant, urgebat ut vel vno, vel si opus esset, pluribus instrumentis Pontificium decretum, & quicquid præterea in sacro consistorio gestum esset, manifestum omnibus facerent. quod cum prima data opportunitate facturos se recepissent, sacer senatus fuit dimissus.

*DE PRÆPARATIONE, FACTA  
pro sollemni Canonizatione S. Didaci, in æde  
S. Apostolorum Principis celebrata.*

**S**ollemnissimus Canonizationis actus, in Vaticano, in æde Diuo Petro facta fuit celebratus: Ordine ab Illmo & Rmo Cardinale Gesualdo, congregationis sacrorum rituum sacristæ Ecclesiæ præfecto, mature excogitato, ac prudenter deinde servato.

Primum omnium in sacra æde machina quædam lignea, tabulati instar, longitudinis cannarum (ut Italica voce liberius utat) 12, latitudinis autem cannarum sex, & amplius paulo, excitata fuit. quæ infernè viridi panno strata, ad latus vero ubi solum Pontificium conspiciebatur purpureo erat obducta. Super hanc machinam ea parte, quæ Ecclesiæ D. Petri maiori portæ opposita erat, altare in quo Missarum sollemnia S. D. N. celebraturus erat, erectum fuit. Atque pars illa omnis pontificalibus auxiliis maxima

arte laboratis, tum bysso ac auro, ad spectantium stuporem, artificiosissimè intexto, duplici serie erat adornata.

In medio contabulationis pannus ille suspēsus vilebatur quo Spiritus sancti sub imagine ardentium linguarum super Christi discipulos sacro Pentecostes die aduentus artificiosè admodum erat expressus, prout canonizationis celebradæ sollemnitas postulabat.

Supra altaris erecti vmbellam, crux erat iustæ magnitudinis, cui clauēs duæ grandiores in modum crucis vtrinq̃ue affixæ erant, cum funalibus magna arte ac ingenio excogitatis & aspectui gratissimis: sub qua cruce aliam cernere licebat panno holoserico coloris purpurei affixam. Erat & alia quædam crux phrygio opere auro intertexto in maximi pretij panno decorè expressa, quo in sanctorum martyrum sepultura Romæ olim vti assueuerant, quique velut dignissimum antiquitatis monumentum, religiosè, magnaque cum veneratione in æde Diui Petri asseruatur.

Ad dextram altaris partem Aquilonem versus, vbi euangelica lectio decantari solet, sublime solium, erat quod vmbella de super venustè tegebatur, in quo S. D. N. Canonizationis actum cæterosque ritus ad missæ sollemnitatem pertinentes facturus erat, quos alioqui in sede Apostolica dum sacrum celebratur, facere assuevit.

Ad sinistram, occidentem versus, aliud solium erat sed humilior, vbi ornamentis ad missæ sacrificium celebrandum necessarijs indui de veteri ecclesiæ more Pontifex solebat.

Circa altare scamna tapetibus strata Cardinalibus posita erant, tum paruo interuallo alia quoque sedilia ex ligno dedolato confecta cæteris Præulibus disposita qui sollemnitati huic interesse debebant.

Non procul à theatro hoc, inferiori loco clerus vrbis vniuersus tam sæcularis quàm regularis cum signis crucifixi imagine vnerandis ac cæreis albis quos singuli manibus tenebant, astatat.

Ascendebatur porrò ad istam contabulationem gradibus aliquot, ad quam duabus portis aditus patebat, quas præsidarij Pontificis milites seruabant; altera ad imam machinæ partem, in sublimiore graduum parte, altera iuxta quam à Cardinalium tergo abacus erat ( Itatorum vulgus credentiam vocat) aureis argenteisque vasis magnificè instructus, in quo oblatio Pontifici postea offerenda erat reposita.

Ex quatuor theatri angulis insignia quatuor seu vexilla prominebant, in quibus Sancti Didaci effigies circa medium erat expressa, in inferiori autem parte Pontificis & Catholici Regis arma depicta conspiciebantur. Cum verò sollemnis supplicatio (vti mox dicitur) adesset, in medio theatri quintum vexillum è sublimi, tanquam ex aëre pendulum cæteris angustius cum Diui imagine demittebatur: quæ certè omnia oculos iucundo aspectu mirificè pascebant.

Templum splèdidissimè vndiq; magnificentissimeq; erat ornatú, ac propè infinitis facibus cæreis lucidum quæ in æditiore sacrarum ædium parte circumcirca optimo ordine erant dispositæ.

Sub

Súb facibus per vniuersum templi ambitum  
ferta quædam seu redimicula mediocris magnitu-  
dinis suspensa erant, venusta quadam oculisque  
grata colorum varietate distincta, pluribusque  
Diui imaginibus nec paucioribus D. Petri, Ponti-  
ficis, Regisq; Catholici insignibus decorata; mul-  
tis etiam aureis, citreis, cydoneisque malis tum na-  
turalibus tum naturam imitantibus ad oculorum  
oblectationem decenter ornata.

Sub hisce corollis iterum tapetes à tribus tem-  
pli angulis mira arte laboratos cernere licebat, qua  
autem parte sanctissimum Eucharistiæ sacramen-  
tum reponi consuevit, culcitra plurimæ phrygia  
arte magnificè confectæ resplendebant.

Denique talis erat tamque splendidus appara-  
tus omnis, vt (quemadmodum ex annalium fide  
constare faciliè potest) alijs aliarum ætatum appa-  
ratibus in diuorum canonizatione adhiberi solitis  
multis partibus esset meritò præferendus.

Quo vero ordine ac pompa, celeberrima festi-  
uissimaque comitante supplicatione ad theatrum  
hoc scintillantibus facibus luminibusque fulgi-  
dum in quo sollemnis canonizatio celebranda e-  
rat summus Pontifex tandem peruenerit; iam di-  
cturus aggredior.

Postridiè Calendarum Iulij in quem diem  
Deiparæ Virginis visitationis festiuitas inciderat,  
venerandum purpuratorum patrum collegium  
in sacello palatij quod à Sixti nomine appella-  
tionem accepit, circa octauam horam præsto fuit,  
eo ornatu ac habitu qui inferius paulò explicabi-  
tur, nec ij tantum, sed frequentissima etiam Præ-

fulum corona, trabeis sacrisque infulis insignis. aderant quoque qui in Diui Petri æde confessionibus audiendis præsent, casulis induti. Subdiaconi præterea, Acolyti, Amanuenses, (Abbreviatores vulgo vocantur) & Protonotarij, superpellicijs decorè amicti.

Summus autem Pontifex, Cardinalibus quibusdam ac Principum oratoribus, nonnullisque vrbis Proceribus & Prælatiis familiaribus stipatus, ex aula pontificia per secretiores gradus ad prænominati sacelli adytum descendit, atque ibi, ornamentis quæ in altari parata iacebant, indutus fuit, amictu nimirum, alba, cingulo, stola & ephestride deaurata aureoque limbo resplendente, in cuius altero sinu pontificia in altero regia insignia relegebant.

Ornato sacris vestibus Põtifex, Cardinalibusque in coronæ modum circumstantibus; Cardinalis Deza (cui ne propter difficultates quasdam aliàs subortas canonizationis sollemnitas turbaretur in mandatis Pontifex dederat vt se in actu ipso præsentem Catholici Regis nomine sisteret) secundum antiquum ritualium morem cæcos tres Sanctitati D. N. obtulit, grandiores duos auro honorificè obductos, insignibusque tum Pontificijs tum Regijs conspicuos, quorum alterum Oratori Veneto, alterum Sabaudia legato tradi præcepit, tertium cæteris aliquanto minorem, ipse in supplicatione postea circumtulit.

Quo ritè peracto, S. D. N. hymnum, *Ave maris stella*, altiuscula voce inchoabat, opportunè profectò: tum quia visitationis beatæ Mariæ festiuitas, in diem

in diem illum inciderat: tum etiam quia in supplicationibus pro diuorum canonizatione institutis, hymnus iste decantari consueuerat. Cumque ad primi versiculi finē in genua Pontifex procubisset, surrexit, & tiara inæstimabilis pretij renidens cū portatili sellæ insedisset, supplicatio progredi cœpit, & è Sixti sacello ad Heluetiorum, hoc est, ad portam palatij maiorem contendit.

Clerus tam secularis quam regularis qui maxima frequentia conuenerat, in area palatij maiori Pontificem præstolabatur, qui signo dato per portam maiorem egressus cum aream diui Petri circumiisset, & ad porticum deuenisset, substitit: seque in duas veluti alas partiens supplicationi pontificiæ intra se locum fecit.

Domestici Pontificis purpureo habitu præcedebant, quos qui Sanctitati suæ à secretis erant sequebantur, consistoriales aduocari succedebant, post quos tubicines ingrediebantur, quos æquali passu Hispanicę aulæ Procurator generalis religionis S. Francisci de obseruantia candida fulgens casula, vexillumque in quo S. Didaci imago expressa erat manu gerens excipiebat, cuius vtrumque latus quatuor eiusdem instituti patres cādidis superpellicijs induti cingebant: musici deinde sacelli pontificij prodibant, hymnū *Aue marie stella* suauium vocum harmonia concinentes, hos Scribæ & ipsi superpellicijs induti, cum Subdiacono crucem Pontifici præferri solitam gestante, duobusque caduceatoribus virgæ rubeæ subsequēbātur, deinde qui in æde D. Petri confessionibus præfecti sunt crucem sequebantur, post quos Abbates, Episcopi,

Archiepiscopi & Prælati Pontificis in sacris ministri, mitris trabeisque resplendentes: Cardinales deindè Diaconi tunicis (quas podères græci vocant) mitrisque insignes succedebant; tum Cardinales præbyteri planetis (quæ casulæ ab ecclesiasticis hodiè vocantur) mitrisque decori: mox Cardinales Episcopi pluuialibus (latini trabeas appellant) mitrisque conspicui: post hos Cardinales Diaconi gradiebantur, Ascanius scilicet columna, cui quod Euangelium in sacræ missæ sollemnibus decantandum esset, medius honoratiorque locus debebatur; Cardinalis Sforza & Montalto Pontificis in sacrificio missæ ministri, quorum alter dextrum alter sinistrum Ascanij latus claudibat. Ab horum iterum altero latere legatus Venetus ab altero Allobrogum Orator careos quorum paulo antea meminimus manibus gerentes procedebant.

Post hos S. D. N. Pontifex Max. gestatoris sellæ insidens magna maiestate deferebatur, sub portatili vmbella quam in ipso egressu Principum virorum Oratores Romanæque urbis Primates deindè alij quoque procures per vices sustinebant: sequebantur qui Pontifici in conclaui adesse consueuerant, inter quos medius gradiebatur D. Oliuarius vicarius rotæ decanus, in suscipienda tiara quoties Sanctitas sua assurgit, decani vicem suppleturus: Protonotarij deindè eo quem supra descripsimus habitu, cum numerosa nobilium turba subsequebantur.

Pontificis ac Cardinalium latera Heluetij præfidiarij milites armati cingebant, quin & leuis

arma-



armaturæ equitibus fulgentibus armis in equis  
conspicuis, loca per quæ supplicatio progrediebatur  
omnia oppleta ac obseffa erant.

Pontifex, Cardinales, Antistites, Clerus denique  
omnis cuiuscunque religionis ac ordinis & quicunque  
ad sollemnem supplicationem inuitati fuerant, careos  
albos accensos manibus gestabant, qui tum maiores  
tum minores pro gradus dignitatisque vniuscuiusque  
discrimine, à Catholicæ maiestatis (ad cuius postulationem  
actus hic celebrabatur) ministris in maxima copia  
liberalissimè singulis tradebantur.

Cum autem ad ecclesiæ Apostolorum Principis  
porticum S. D. N. delatus esset, ex Capitolio D. Petri  
suauissimo concentu musico fuit exceptus, mox templi  
limina ingressus theatrum vbi altare fuerat erectum  
ascendit, ac cum de portatili sella consurrexisset,  
ante sedem oratoriam (Romani ecclesiastici faldistorium  
vocitare consueuerunt) in genua decenter procubuit,  
& precibus ante altare effusis, ad solium sublimius  
quod ad dextrum altaris cornu erectum fuisse diximus,  
concessit, vbi Cardinales omnes ac Prælatos obedientiam  
S. suæ humiliter exhibentes clementer humaniterque  
excepit.

Quo debita sollemnitate peracto, D. Franciscus  
Mocantius sacrarum cæremoniarum magister Pontificis  
nomine Cardinalem Dezam palam euocauit, qui  
continuò assurgens cum Pompeo Arigone Cōsistoriali  
Aduocato corā Pontifice constitit, ac solita debitaque  
exhibita reuerentia, Cardinalis quidem erectus stetit,  
Aduocatus

autem genibus flexis paucissimis verbis pro prima instantia dixit; Cardinalem Dezam coram S. sua astantem Catholicæ Maiestatis nomine feruentissimè efflagitare, vt inter indigetes diuos S. Didacum Complutensem referre dignaretur; eo nimirum fine, vt ab omnibus Christi fidelibus pro Sancto imposterum & religiosè colatur & inuocetur.

Euestigiò Antonius Boccapadula qui summo Pontifici erat à secretis, grauibus prudentibusque verbis eiusdem nomine respondit Pontificem negotium istud quod maximi momenti ac pōderis semper fuisse iudicauerat, diligentissimè accuratissimeque expendisse, & quoniam maturo examine præuio quæ ad Canonizationem requiruntur omnia plenè cumulateque excussa, rata & confirmata esse comperisset: prodijisse ipsum in publicum locum, vt sanctissimo actui huic coronidem ac velut supremam manum imponeret, & ob id quod iustorum preces plurimum apud Deum posse probè nouisset, circumstantem amplissimorum patrum cætum hortari, vt in genua humiliter omnes prouoluti precibus à diuina Maiestate contenderent, vt actio tam celebris ad immortalis Dei gloriam cepta, ad optatum exitum per immensam eius misericordiam posset perducì.

Quo responso accepto, Cardinalis recessit, Pontifex verò à sublimiore solio ad sellam oratoriam descendit; cumq; sacra infula vertici eius decenter imposita, in genua se demisisset, litanix Sanctorum cantari cœperunt, quibus tandem finitis ad eminentiorem sedem se iterum recepit.

Tum

Tum cæremoniarum Magister Cardinalé De-  
zam cum Aduocato Arigone secúdo euocauit: fa-  
ctaqué pro impetranda Canonizatione secúda in-  
stantia, Antonius Boccapadula breuibuscum quidem  
sed ornatis concinnisque verbis respondit nego-  
tij præsentis magnitudinem exposcere, vt S. Spiri-  
tus gratia super hoc impleretur vt sacro spiramine  
commoueat, doceat, moneat, ne in re tanta ac tali  
error vllus committatur.

Ac tum iterum è solio sublimiore ad oratoriam  
sellam descendens capite tiara decore redimito ge-  
nua flexit, & statim Cardinalis Sforza Diaconus  
clariore voce *Orate* pronúciauit, atque ilicò abla-  
to à Pontificis vertice diademate, in mentali ora-  
tione & ipse & reliqui Præsules depositis infulis a-  
liquamdiu perstiterunt, donec Cardinalis Mon-  
talto diaconus à sinistro altaris cornu caliore quo-  
quæ voce protulisset *leuate*, tum enim Pontifex cæ-  
teri que omnes erecti steterunt, & allato coram li-  
bro S. D. N. hymnum *Veni creator Spiritus* exor-  
sus in genua iterum cum cæteris humiliter tantis-  
per procidit, donec primus versiculus à musicis es-  
set decantatus; tunc rursus confurgens ad eminē-  
torem sedem diademate assumpto redijt, cæteris  
ad hymni finem circumstantibus: musici versicu-  
lum *Emitte spiritum tuum &c.* præcinebant, Pon-  
tifex autem orationem *Deus qui corda fidelium*  
recitabat; qua finita, Cardinalis Deza cum Arigo-  
ne Aduocato pro canonizatione Hispaniarum Re-  
gis nomine tertio institit, & Antonius Boccapadu-  
la tertio etiam respondit; cum S. D. N. persuasum  
haberet tantam rem omnipotenti Deo minimè

displicere, decreuisse eum S. Didacum tum vitæ  
sanctimonia tum miraculis clarissimum diuorum  
albo associare.

Et libro dicto citius à sacrorum ministris pro-  
lato, Sanctiss. Pater pontificali tiara venerabilis  
grauissimis efficacissimisque verbis matura deli-  
beratione præmissa excogitatis manuque sua per-  
scriptis, canonizationis sententiæ sedens pronun-  
ciauit, ac S. Didacum Sanctorum Confessorum  
felici cœtui ascripsit, utque pro sancto ab omni-  
bus coleretur pontificia authoritate præcepit, ut  
festiuitatis eius dies pridie idus Nouembris sin-  
gulis annis celebraretur, & vnius Confessoris offi-  
cium eodem die in Ecclesia recitaretur, ac demum  
ut in eius honorem templa ac altaria, in quocum-  
que loco omnipotenti Deo grata sacrificia fiunt,  
erigi possent, sollemni statuto decreuit; omnibus  
insuper vtriusque sexus Christianis verè contri-  
tis & confessione sacramentali expiatis qui die di-  
uo huic sacro sacellum vbi corpus eius conquie-  
scit Compluti, & templa ac altaria quæ ad eius glo-  
riam Deo impofterum erigetur, pia deuotione vi-  
sitabunt, omnia priuilegia ac indulgentias & spi-  
rituales gratias concessit, quæ ecclesijs in eius-  
dem religionis Sanctorum memoriam ædificatis  
concessæ olim fuerunt ac à sede Apostolica in-  
dultæ.

Pronunciata hac sententia, Cardinalis Deza-  
cum Arigone Aduocato Catholicæ maiestatis no-  
mine gratias quam maximas S. suæ humillimè  
egerunt, & pari humilitate contenderunt, ut de-  
cretæ canonizationis diplomata eadem opera de-  
cernere

cernere non grauaretur . quibus auditis S. D. N. pronuntiabat *decernimus* , signo sanctæ crucis reuerenter facto , tum aduocatus ad Protonotarios conuersus vt instrumenta rogarentur quò de actus istius veritate omnibus constaret , postulauit .

Quibus celeberrimè peractis , tubarum clangores perstreperunt , organa & campanæ pulsatæ , tum ænea tormenta tam in area D. Petri quam in arce S. Angeli displosa fuerunt. Ipse verò Pontifex canticum *Te Deum laudamus* exorsus fuit , musicis grato concentu ad finē vsque subsequen-  
tibus. Ac tum quidem Cardinalis Sforza Diaconus à dextra altaris parte versiculum sancti *ora pro nobis S. Didace* præcinuit , musicis *vt digni efficiamur promissionibus Christi* iucundè occinentibus.

Ipse verò Pontifex orationem propriam de S. decantauit , quæ sic habet : *Omnipotens sempiterna Deus qui dispositione mirabili infirma mundi eligis , vt fortia quaque confundas , concede propitius humilitati nostra , vt pijs Beati Didaci Confessoris tui precibus ad perennem in calis gloriam sublimari mereamur . Per Dominum nostrum Iesum Christum , &c.*

Cardinalis deindè Ascanius Colonna Diaconus qui lectionem euangelicam erat recitaturus confessionem generalem *confiteor* decantabat , post Apostolorum Petri & Pauli nomina Sancti iam canonizati nomen subdens. At summus Pontifex absolutionē præsentibus omnibus indulgens post Petrum & Paulum Apostolos , S. quoque Didacum nominauit.

Qui-

Quibus transactis, ad aliam sedem ab alio altaris cornu positam se Pontifex transtulit sollemnibus missæ sacrificij ornamentis induendus, quæ Catholici Regis sumptibus (vti mox dicitur) ad illustrandum canonizationis actum mirabili artificio ac magnificentia erant confecta.

Sacrum in honorem Deiparæ virginis celebratum fuit, adiuncta sancti commemoratione, ac ad offertorium vsque, hoc qui sequitur modo productum.

Dum in eminentiore folio offertorium S. D. N. legeret, Cardinales quatuor abacum aureis argenteisque vasis ad sacrificium missæ necessarijs onustum adibant, allaturi quæ in eo præparata erant, quorum primus Episcopi personam referens erat Cardinalis Colonna, alter Alexandrinus cæteros Cardinales præbyteros ætate præcedens, tertius Cardinalis Matteius Diaconus & canonizationis commissarius, quartus Deza erat qui Catholicam Maiestatem referebat. Horum ministri nobiliores miris ac maiestate plenissimis cæremonijs quæ ad oblationem parata in abaco erant S. suæ hoc modo obtulerunt.

Colonna cæreos duos grandiores qui in supplicationem paulo ante fuerant delati, & Diui canonizati effigie tum Pontificijs Regijsque insignibus erant decorè exornati, vtrumque priusquam offerret modestè exosculatus S. suæ obtulit, quos cum de manu eius Pontifex susceperet, Cardinalis manum eius ac genu exosculatus recessit.

Deza eisdem seruatis cæremonijs cæreū prius, deinde caueam inauratam cui par turturum inclusum

clusum erat, reuerenter obtulit, Alexandrinus panes triticeos duos alterum auro cum Pōtificijs insignibus, argento alterum obductum cum Catholici Regis armis, venerabundus obtulit: quem Deza iterum excipiens cæreum alterum, alteramque fuscellam cum duabus columbis supplex porrexir.

Cardinalis Matteius vascula vini duo deauratum alterum, alterum argento tectum Pontifici tradidit, in quorum alterius fundo Pontificis, in alterius ima parte Regis arma extrinsecus depicta conspiciebantur.

Deza tertio prodians tertium cæreum cum sportula diuersorum colorum varietate insigni, diuersique generis auiculis referta hac ratione obtulit; vt reticulo à cæremoniæ magistro cautè inciso, auiculis quoquouersum euolaturis exitum præberet.

Oblatione eo planè modo quo exposuimus peracta, Cardinales ad locum suum se singuli receperunt: solus Deza quæ supererant oblaturus substitit, quibus tandem oblati locum suum is quoque repetiuit.

Ac tum quidem in sacro missæ officio solito ritu solitisque cæremonijs vltèrius processum fuit, cōmemoratione, secretis, post communionem, sancto accommodatis.

Finito missæ sacrificio, Cardinalis S. Georgij primi Episcopi & sacrorum ministri personam sustinens Pontificis nomine plenariam indulgētiam formula ecclesiæ consueta omnibus qui præsentibus celeberrimo actui intererāt, indulgit. Pontifex autè de more ad grad' vsq; ornamentorū fuit deductus.

Hæc



Hæc sunt quæ circa sollemnem hanc canonizationem memoratu digna occurrerūt, ex quibus liquidò constat quàm exacta diligētia, inquisitione, examine, cōsilio, prudentia ac maturitate sancta sedes Apostolica in huiusmodi negotijs vti cōsuevit.

Erat reuera res admiratione dignissima populū omnium ordinū qui sollēnitati huic intererat cōcursum intueri, nec minorē considerationem fortè merebatur diuinā prouidamq; Dei maiestatem ita disposuisse, vt qui Sabbato pridie Calend. Nouēb. è vitæ mortalis ergastulo excessisset anno redemptionis humanæ 1463, idē Sabbato quoq; postridie Calend. Iulij anno redintegratæ salutis 1588, pro Sācto ab omnibus piē religioseq; coli ceptus fuerit.

Sed iam instituti tractatuli ratio pōstulat, vt quemadmodum mē paulo ante pollicitum fuisse memini, ornamenta omnia quæ à catholica maiestate ad condecorandum canonizationis actū procurata & ad perennē rei memoriam in Pōtificis sacelli vsum relicta fuerāt, breui oratione cōplectar.

Supra altaris erecti faciē vmbella pulchritudinis & magnitudinis nō mediocris suspensa erat è panno auro intexto acinis minusculis iucundè eminentibus confecta, in cuius triginta laciniis (tot enim erāt) circa altare depēdentibus plurimæ diuinae imagines cū S. Petri, Pontificis ac catholici Regis insignibus magnificè splendideque ac debita proportionē depicta erant, tum & Angelorum effigies cum variis multiplicis coloris floribus, ea autē vmbella siue cælum (sic enim altaris tegumentū non incōmodè vocari posse arbitror) veteri ac iam olim recepto ecclesiæ more in vsum tēpli D. Petri cessit.

Vide-

Videre etiam ibidem licebat amiculum vlnarū septem ex eadem materia plumato opere affabrè factum; cuius extremam oram limbus vndiq; aureus ambibat, circa mediū sancti effigies acu egregiè picta cernebatur, vtroq; latere insignibus pontificiis regiisq; auro argentoq; ductili intexto venustissimè exornato.

Duo præterea librorū opercula eodem artificio eodēq; panno confecta, similiq; limbo circumdata.

Puluinus etiā cui missale seu liber ritualis innitebatur ex eadē materia aurea fimbria circūseptus globulis peniculisque sericeis aureisq; turgidus.

Theca item corporalium maiuscula secundum sacelli pontificij ritū ex eodem panno tractili auro intexto contexta, in qua crucis imago phrygia arte intexta erat, nodis peniculisq; auro sericoq; tumētib; appensis.

Pulpiti quoq; ex quo euangelica lectio decātari solet tegmen eadem materia, ora aurea circūdante vestitū, fimbriaq; aurea sericeaq; appēsa decorū, ac D. imagine armisq; pontificiis ac regiis illustratū.

Tegumentum insuper sellæ oratoriæ pari artificio parique limbo, eadem diui effigie, iisdemq; insignibus condecoratum.

Deniq; puluini maiusculi duo quibus secundum sacelli pōtificij vsum sedes & scabellum purpurēi coloris heteromallio vndiq; contextū exornari solet, quoties Pontifex in genua procumbit, hi autem eadem textura erant cōfecti, margine aureo, nodulis peniculisq; suauiter affixis; in quorum altero cui Pontifex inniti solet, sancti imago armaque tum pontificia tum regia fulgebant.

*Mini-*

### *Ministorum ornamenta.*

Trabea seu pluuiale quo Cardinalis Episcopus sacrorum minister induebatur, ex panno auro in fila lentescente confectum, plumario opere acinis pulchrè eminetibus illustre, fertisq̃ue quibusdam ac corollis in modum phrygij operis crispantibus, aureo limbo simbriaq̃ue aurea adornatum, affixis, vbi opus erat, vncinulis argenteis, cum cucullo in tergo phrygio artificio laborato. circa cuius medium Diui effigies scitè erat acu expressa, armis pontificijs regijsq̃ue vtramque extremitatem quæ ad talos descendit, iucundissimo aspectu condecorantibus.

Tunicæ præterea duæ ex eadem materia, eodem artificio, textura, limbo, marginibusq̃ue splendide, stola vna ac manipuli bini. in parte tunicarum posteriori Diui effigies pontificijs regijsq̃ue armis vtrinque septa erat, ijs autem in missæ sacrificio Cardinalis Diaconus qui euangelicam lectionem & Subdiaconus qui epistolam decantabat, utebantur.

Tunicæ item aliæ duæ ex panno quoque intexto auro confectæ, sed plano non plumario, pretij tamen non minoris, hoc nimirum consilio, vt texturæ diuersitate ab alijs internoscerentur quæ in Diaconi Hypodiaconiq̃ue vsum erant comparatæ, qui euangelium & epistolam græcè erant decantaturi, pari artificio, limbo, nodulis, aureis sericeisq̃; immixtis peniculis: tum Diui effigie armisq̃ue pontificijs, ac regijs vt priores ornata.

In Pontificis vsum ornamenta omnia quibus in sacris opus esse solet, magna sollicitudine erant confe-

confecta, caligæ nimirum sericeæ colore candido auro circumductæ, tum sandalia deaurata crucisq; imagine veneranda, Gremiale (quod vocant) ex eadem tela aurea serico immixto fimbria affixa resplendens. Dalmatica vna ac tunica ex bysso candida confecta limbisque aureis circum confecta, casula item vna ac stola manipuliq; duo opere polymitario pulchrè elaborata, struppis eodem artificio pulchrè extantibus intextis fimbriisq; aureis circumscripta.

At in posteriore casulæ parte S. effigies, & inferius paulo pontificia regiaque arma acu magnificè erant depicta.

Iusserant præterea Regis catholici ministri amiculum pontificium confici, auro purpuræ egregiè inserto, in quo alterius materiæ ac coloris corollæ fertaque placidissimè extantia erant intexta, aureo limbo splendidissimè superiecto, additis vncinulis tribus totidemque orbiculis solido auro affabrè conflatis, tum stola eodem artificio confecta ac crucis imagine in ea opere mirando expressa, hoc autem amiculo siue pallio tam in supplicatione quam canonizationis actu Pontifex utebatur.

*Sequuntur quadraginta Cardinalium nomina  
qui canonizationis sollemnitatem præ-  
sentia sua cohonestarunt.*

*Cardinales Episcopi.*

Ioannes Antonius Sorbellonus Mediolanensis, Episcopus Portensis & Sanctæ Ruffinæ, vulgo dictus Cardinalis S. Georgij.

C Alphon-

Alphonſus Gefualdus, Neapolitanus, Epifcopus  
Tufculanus.

Marcus Antonius Colonna, Romanus, Epifcopus  
Præneſtinus.

Ptolomæus Gallio Nouocomenſis, Epifcopus Al-  
banus.

*Cardinales Presbyteri.*

Proſper ſanctæ crucis, Romanus.

Fr. Michael Bonellus, Alexandrinus, Ordinis Præ-  
dicatorum.

Ludouicus Madruccius, Germanus.

Nicolaus Pelüæus Francus, Senonenſis.

Iulius Antonius Sanctorius, S. Seuerinæ.

Hieronymus Ruſticuccius, Pontificis vicarius.

Ioannes Hieronymus, Albanus.

Petrus Deza, Hiſpanus.

Antonius Caraffa, Neapolitanus.

Ioannes Antonius Facchinettus, S. Quatri, Bo-  
nonienſis.

Ioannes-Baptiſta Caſtaneus, S. Marcelli, Ro-  
manus.

Franciſcus Ioyeuſius, Gallus.

Iulius Canaccus, Ferrarienſis.

Nicolaus Sfondratus, Mediolanenſis, Cardinalis  
Cremonenſis.

Vincenſius Laurus Tropienſis, Cardinalis Mon-  
douinus.

Scipio Lancelotus, Romanus.

Henricus Caietanus, Romanus, S. Eccleſiæ Ca-  
merarius.

Dominicus Penellus, Genuenſis.

Ioannes-Baptiſta Caſtruccius, Lucenſis.

Hiero-

**Hieronymus Rouerius.**

**Frater Hieronymus Bernerius, Corregienfis, Ordinis Prædicatorum, Cardinalis Aſculanus.**

**Antonius Maria Gallus, Auximienfis.**

**Fr. Constantius Sarnanus, ordinis Minorum conuentualium.**

**Scipio Gonzaga, Mantuanus.**

**Antonius Saulius, Genuenſis.**

**Euangelifta Palottus, Cardinalis Coſentiëſis, Pontificis prodatarius.**

**Petrus Gondius Florentinus, Cardinalis Pariſienſis.**

**Fr. Stephanus Bennuccius, Ordinis Seruorum, Cardinalis Aretinus.**

*Cardinales Diaconi.*

**Franciſcus Sforza, Romanus.**

**Alexander Perettus, Cardinalis Montalto.**

**Aſcanius Colonna, Romanus.**

**Hieronymus Matthæi, Romanus.**

**Benedictus Iuſtinianus, Genuenſis.**

**Fredericus Borromæus, Mediolanenſis.**

In eadem ſupplicationis & canonizationis ſolemnitate tum Archiepiſcopi, tum Epifcopi interfuere numero 36, ac pœnè infinita aliorum Prælatorum multitudo, qui omnes Canonizationem ſancti Didaci, præſentia ſua mirum in modum condecorarunt.

# MARCI ANTONII CARD.

*Columnæ Episc. Prænēstini Relatio de vita  
& miraculis B. F. Didaci de S. Nicolao, fa-  
cta coram S. D. N. Sixto Papa V. & Cardi-  
nalem Collegio, in Consistorio secreto. Die  
xx. Iunij, Anno M. D. LXXXVIII.*

## BEATISSIME PATER



Vperioribus annis, & præsertim anno 1563. ab vniuersa fere Hispania, vna cum ipsius Rege Philippo & Carolo eius primogenito, humiliter supplicatum fuit (sicut ex litteris & mandatis constat) sanctæ memoriæ Pio Quarto, vt stante celebri fama Fratris Didaci Laici professi Ordinis Minorum de Obseruantia, quæ per cētum & plures annos in toto illo regno constantissima viguerat, ac vige-  
bat, ac illius vitæ sanctitate, pluribusque eius miraculis, vnde pro Sancto ab omnibus reputabatur, ac colebatur, vellet Sanctitas sua committere, vt de ijs omnibus diligens informatio sumeretur. Quæ si vera reperta fuissent, Sanctitas sua illum inter Sanctos connumerandum, & pro sancto ab vniuersa Catholica Ecclesia tenendum, ac venerandū statueret. Quibus precibus, & repetitis postulationibus Sanctitas sua mota, anno sequenti 1564. mense Maio in Consistorio secreto totum negotium de more Ioanni Morono, Saraceno, Alexandrino (qui postea Pius V. fuit) Araceli, & Vitello S. R. E. Cardinalibus commisit, fueruntque Remissoriae



missoriae in partibus transmissae, & canonicè in-  
choatus processus, atque summaria informatio  
capta, & ad Curiam, viuentē adhuc Pio Quarto  
transmissa. Eius vero morte subsequuta, Pio V. ab  
eodem Rege & Principe, necnon Gregorio XII.  
supplicatum fuit, negotium reassumi, & ad finem  
perduci. Sed cū iisdem etiam Pontifices ante-  
quam hæc omnia perficerentur, vltimum diem  
vitæ suæ sanctissimè clausissent, fuit apud Sancti-  
tatem Vestram eiusdem Regis Philippi, & Regni  
nomine per Illustrem Comitem de Oliuares Ora-  
torem suum supplicatum, vt cum iam omnia, quæ  
in mandatis data fuerant, circa processum confi-  
ciendum, essent perfecta; Cardinalesque omnes  
deputati, essent vita functi, Sanctitas V. (quæ vicem  
in terris Iesu Christi gerit, & cui vniuersalis Ec-  
clesiæ cura commissæ est, & ad quam solum hæc  
negotia spectant) pro sua singulari pietate, digna-  
retur committere, & mandare, vt tam pium, tam  
sanctum, & ab vniuerso Hispaniæ Regno deside-  
ratum opus, ad debitum finem perduceretur. Qui-  
bus S. V. benignè annuens, de mense Iunio 1585.  
mandauit duobus Rotæ Auditoribus, Io. baptistæ  
videlicet de Rubeis Decano, & Christophoro Ro-  
bustero, vt diligenter viso processu, & discussso,  
Sanctitati V. vt moris est, de scripto relationem  
facerent. Quo in negotio cum per multos menses  
diligentem nauassent operâ; tandem relatione, ac  
voto Sanctitati V. de scripto transmissa, volens  
consuetum in similibus ab hac sancta Sede, & à  
Prædecessoribus Sanctitatis V. modum seruare,  
Die xxij. Ianuarij anni præteriti in Consistorio

Secreto commisit Reuerendissimo Farnesio Decano, Alexandrino, Sanctæ Seuerinæ, Caraffæ, Sarnano, de Medicis, Matthæio, & mihi, vt viso omni cum diligentia toto processu de vita & moribus & miraculis in eo contentis, relatione Rotæ considerata; Sanctitati V. in Consistorio secreto de more relationem faceremus; sententiamque ac suffragium nostrum explicaremus, vt postea Sanctitas V. sancti Spiritus gratia illustrata, quid faciendum iudicauerit, maturè deliberare possit.

Reuerendissimis Dominis meis Collegiis visum est hoc negotium licet humeris meis impar & omnium Dominorum meorū minimo mihi demandare: quod, si placet Sanctitati V. qua maxima breuitate potero, in præsentia præstare conabor.

Tria sunt, Beatissime Pater, quæ in hac hodierna narratione mihi explicanda proposui, primo de istius viri vitæ sanctitate & fidei integritate pertractabo, in quo (vt Theologorum omnium, & Canonistarum est sententia) totius istius negotij summa consistit. Secundo loco de eius obitu. Tertio de miraculis verba faciam. & vt à primo exordiar:

In Regno Castellæ, & ditione Hispalen. oppidū est nomine sancti Nicolai, in quo ante M. cccc. annum natus est beatus Didacus, humilibus sed Christianis, & magna pietate imbutis parentibus, qui simili pietate filium suum educare procurarunt. Hunc & si non genus insigne, egregiæ tamen ipsius virtutes, sanctissimæ actæ vitæ documenta, & coruscantia miracula, non solum insignem, sed etiam clarissimum atque illustrissimum reddiderunt. Nam cum mortalis huius vitæ pericula quibus

bus sæpe anima æternis inuoluitur cruciatibus perspecta haberet, ab incunte ætate totum se pijs deuouit operibus, & apud idem oppidum sancti Nicolai, in quodam Eremitorio ibi propinquo (sancti Nicolai veteris nuncupato) vna cum pio quodam Sacerdote secessit, vbi per aliquot annos eremiticam vitam ducens, magna cum totius illius oppidi ædificatione permansit. Inde cupiens arctioris obedientiæ vinculis alligari, retento eodem penitentia habitus, ad Conuentum de Arrizafa non longè à Corduba distantem profectus, ibidem Seraphici sancti Francisci habitu recepto, illius religionem expressè professus est: eiusque regulam sanctissimè per totam vitam ita inuiolabiliter obseruauit, vt apertè testentur viri omni exceptione maiores, neminem se vidisse adeò suæ regulæ, & præceptorum obseruantem. Quia vero Spiritus sanctus magnum in eo sanctitatis ædificium ædificaturus erat, primum ac solidum huius ædificij fundamentum in humilitate collocauit; quæ in hoc viro tanta fuit, vt omnes qui cum illo conuersabantur, admirarentur, atque hac potissimum virtutis armatura munitus, diaboli artes omnes facillè superauit. Obedientiæ iugum suauiter ferebat. Prælatorum mandata promptè, ac liberrimè exquebatur. Et quoniam regulam sancti Francisci, vt dixi, professus fuerat, paupertatem quam in sua professione vouerat, piè ac religiosè semper coluit. Erat in eo magna fides maxima cum spe & charitate coniuncta. Pauperes Iesu Christi, ac proximos ardentè dilexit. Infirmos si quando sibi occasio offerebatur, non solum

omni caritatis officio prosequeretur, sed illis die  
nocteque inserviebat, tanta humilitate, ac cari-  
tate, ut sæpius etiam plagas pure plenas lingua lin-  
gere non erubuerit, eleemosynis adiuuabat, &  
quidquid ex quotidianis cibis in eleemosynā Mo-  
nasterio datis habere, vel ex proprio cibo sibi sub-  
trahere poterat, alacriter eis largiebatur: cum ve-  
rò non haberet quid illis in eleemosynam porri-  
geret, misericordia commotus, profusas lachry-  
mas emittebat. Orationi erat intentus, discipli-  
nis non solum se Deo magis gratum reddere pro-  
curabat, sed etiam ut proximi sui emendationem  
vitæ facilius impetraret, corpus suum domabat.  
Ieiunijs ferè continuis carnem macerabat, sed in  
primis omnibus vigilijs Beatissimæ Virginis Ma-  
riæ in pane & aqua ieiunabat. Acer erat repre-  
hensor eorum qui contra Dei honorem aut re-  
gulam sancti Francisci aliquid temerè perpetra-  
bant, quam non solum ipse (ut dixi) diligenter ob-  
servavit, sed eam ab alijs fratribus inuolabiliter  
observari curavit. Nullas vnquam didicerat lit-  
teras: sed quoniam conuersatio eius cælestis po-  
tius erat, quam terrena, cum de rebus diuinis a-  
gebat, mirificos proferebat sensus, & difficillima-  
rum quæstionum articulos enodabat, ita ut inter  
alios, duo eruditissimi & pietate insignes viri aper-  
tè testentur, sæpius sibi ipsi contigisse, ut rebus  
difficillimis, & in Theologia abstrusis quæstioni-  
bus cum illo communicatis, doctiores semper e-  
uaserint, illarumque quæstionum solutionibus ita  
mentes ipsorum acquieuisse, ut à nullo alio Do-  
ctore, nec in vlla Academia id habere potuerint.

Illud

Illud de hoc Sancto viro valdè laudabile commendatur, cum adeò purò, ac simplici corde semper fuisse, vt semper omnia in bonam partem accipiens, nunquam ma è de aliquo iudicauerit, nec contra aliquem vllum malum verbum vnquam protulerit. Prudentiam cum simplicitate coniunctam habebat: vnde factum est, vt cum ad Insulas Canarias missus esset, Guardiani officium in illo Monasterio sibi demandatum omni cum sua laude gesserit. Multos ibidem infideles, & adhuc idola colentes ad fidem Christi adduxit; quapropter ingentes in magna Canaria persecutiones pertulit. Desiderauit ille pro Christi fide martirium subire, & multoties parum absuit quin eo bono frueretur: sed Deo ita ordinante non fuit voti compos effectus.

Reuersus in Hispaniam omnibus carus, & in magna veneratione habitus in conuentu Compluten. vbi multis annis fuit commoratus, annorum plenus, in grauem infirmitatem incidit, ex qua cum se iam moriturum cognosceret, & hora mortis instaret, fratribus, qui in illo Monasterio aderant, ad se vocatis, eos ita verbis amantissimis & sanctitate plenis allocutus est, vt ex eorum oculis lachrymas excusserit: deinde arrepta cruce lignea, quam ad caput habebat, illorum orationibus se commendans, conuersus ad crucem hæc verba protulit: *Dulce lignum dulces clauos dulcia ferens pondera, quæ sola fuisti digna portare Regem Calorum & Dominum.* In quibus verbis animam Deo reddidit. Obijt itaque Compluti in suo Monasterio, die Sabbati 12. Nouembris, 1463.

Omnia supradicta, Beatissime Pater, constanter per plures testes contestes, qui de causa scientiæ deponunt, quorum aliqui sunt eiusdem Religionis Fratres, viri magna eruditione & integritate præditi, & in Religione probati, quique illum per plures annos cognouerunt, & in eodem Monasterio intrinsecè cum illo conuersati sunt, quorum etiam duo Guardiani illius Monasterij fuerunt, & sub illorum cura beatus iste vixit: Alij vero vnus ex ordine Prædicatorum: Alter Baccalaureatus gradu insignitus.

Eius vero morte audita, ingens populorum vicinorum concursus est factus; in primisque vniuersorum ordinum amplissima ciuitatis, & insignis collegij Compluteni. Per quatuor dies humatum, & quarto die refoßum cadauer, iacuit insepultum per multos dies; non est corruptum, non emisit foetorem vt humanorum cadauerum est conditio; sed suauissimum spirans odorem per multos menses visitantium animos magna suauitate repleuit, & vsque ad hodiernum diem sæpè ille odor ex eius sepulchro spirans sentitur: non riguerunt membra, vt deficiente calore rigere solent defunctorum cadauera, sed veluti viuentis flexibilia erant, & moueri poterant. Similem rem veluti valdè mirabilem narrat S. Hieronymus in vita S. Hilarionis, quod post decem menses integrum fuerit inuentum eius cadauer & suauem spirans odorem. Post aliquod vero tempus ab huius beati obitu, Henricus IIII Castellæ Rex beneficij memor, quod huius beati Didaci intercessione & ipse & eius filia grauissimè ægrotantes sanitatem a

tem à Deo recuperassent, Sacellum in eius hono-  
rem ædificari, & in eo intra ferream arcam huius  
beati corpus recondi iussit, in qua diligenter cu-  
stoditum fuit, nec vnquam visum, donec anno  
1562. ad Principem D. Carolum Compluti æ-  
grotantem adductum, & tunc cum ex illa arcâ e-  
duceretur, integrum omninò repertum est, adeò  
vt nec pili quidam albicantes superciliorum illi  
defuerint. Hæc autem omnia, quæ de odore &  
corporis integritate dicta sunt, præter publicam fa-  
mam, multi testes omni exceptione maiores pro-  
bant, & inter alios vnus de Societate Iesu de visu  
testatur. Multa miracula tam in vita quam in mor-  
te edidit, ita vt in processu & informatione trans-  
missa legantur ferè centum triginta, & probentur;  
sed pauca quædam visum est Dominis meis Col-  
legis seligere, eaque mihi hodierno die narranda  
dederunt; quorum primum est.

Fuit in oppido de Duron iuuenis quædam Ca-  
tharina vocata, quæ cum ingentem paralyfim pa-  
teretur, & surda etiam euassisset, & muta, nouem  
diebus vigilas in sacello beati Didaci ducēs, dum  
manu eiusdem beati tangeretur, subito cessauit  
surditas, loquela restituta, & membra paralyti-  
ca distensa sunt, liberaque, & sana omnino visa  
est. Quæ omnia per tres testes, præter principalis  
dictum probantur, qui examinati fuerunt ritè &  
rectè coram Vicario Archiepiscopi Toletani: quo-  
rum primus est Ioannes de Pignaluer Guardianus,  
secundus Ioannes de Tolosa, tertius Frater Ioan-  
nès de Medina.

Didacus quidam de Lorca, iuuenis viginti fere  
anno-



annorum, qui permultos annos spiritu immundo detinebatur, ita vt aliquando septies in die illum corripere, & ad terram illum illidens, veluti mortuum relinquebat, cum se beato Didaco commendasset, & in eius capella vigilasset, omninò liberatus fuit. Quod plenè probatur per duos testes, quorum primus est ipsemet patiens, qui per extensum, & magna cum ædificatione omnia narrat. secundus qui hæc omnia comprobat est Frater Ioannes de Pignaluer Guardianus.

Catharina Garzia vxor nobilis viri Bartholomæi Sanches, cum parturiens in maximo vitæ periculo versaretur, iamque morti proximam se crederet, parte habitus sibi huius Beati superimposita fœtum emisit, sed mortuum; & cum ita per quatuor horas puella quam adiderat, stetisset mortua, eius socrus, & maritus illam beato Didaco commendarunt, vt eius precibus vitam puellulæ à Deo impetrarent, sicut factum est: nam illam viuam matri suæ reddiderunt, baptizataque fuit, & Maria vocata, & per multos annos vixit. Quæ omnia probantur præter dictum principalis per tres testes; quorum primus est Maria Garzia socrus: secundus, Bartholomæus Sanches eius maritus, qui ambo testes oculati: tertius Frater Ioannes de Pignaluer.

Et Domina Maria de la Penuela, quæ tam horrenda & deformi paralyfi fuit affecta cum multis alijs grauissimis infirmitatibus, vt neminem ei similem Medici se vidisse attestarentur, mirabili modo sanata etiam apud sepulchrum beati Didaci est, cuius beneficij memor virginitatem suam  
Deo

Deo vouit in monasterio S. Ioannis de pœnitentia vocato, vbi sanctissimam vitam duxit. Hoc miraculum de Domina Maria de la Penuela probatur per octoginta ferè testes omnes contestes vel de visu, vel de fama, qui ritè, & rectè examinati fuerunt.

Et denique cum Carolus Princeps Hispaniarum Anno 1562. Compluti ex grauissimo casu grauiter ægrotaret, nec vlla remedia illi profuissent, sed semper in deterius rueret, & omni humano auxilio (sic Medici testantur) ac plenè probatur, destitutus esset, eadem illa hora, qua Medici illum moriturum prædixerant, melius habere cœpit, & intra paucas horas intercessione huius Beati sanatus est. Hæc omnia optimè probant Medicorum illum curantium depositiones, necnon patris Mantij eius Confessoris; multi alij insignes & omni exceptione maiores testes, præter ipsiûsmet Principis & Regis dictum, qui apertè se per intercessionem huius beati viri à Deo sanitatem recuperasse & verbis & scriptis pluries testati sunt.

Quare Hispaniarum Rex cum vitam præfati Caroli sui Primogeniti à Deo se per intercessionem & merita beati Didaci recuperasse cognouisset, sicut dictum est, procurauit, & hodie supplicat, vt ad laudem omnipotentis Dei, totius regni consolationem, augmentum Catholicæ fidei inter Sanctos referatur.

Præter hæc omnia, quæ retuli, quod mirum in modum Reuerèdissimos Collegas meos ædificauit, & in sententiam, quam modo dicam concorder adduxit, fuit, quod per centum & viginti tres  
annos

annos ab obitu beati Didaci, durat tanta erga illum totius illius gentis deuotio, tam frequenter illius opem apud Deum implorant, tot vigiliæ, tot sacrificia in eius cappella celebrantur, tot donaria illustrissima soluendi voti causa in ea ponuntur, ut certè firmiter credendum sit, non passurum fuisse Deum opt. max. ut per tot annos, qui memoriam hominum excedunt, gens illa Hispana deuotissima, & de Christiana religione optimè merita, Clerus, ac Prælati insigni pietate & doctrina præditi, sic essent decepti, ac delusi.

Pater Beatissime, sanctitatem vitæ beati Patris Didaci, fidei puritatem & integritatem, egregias virtutes, præclara & insignia miracula optimè probata inuenimus: Quare vnanimis in hanc sententiam venimus, Sanctitatem vestram ad vltiora procedere, atque hunc beatum Virum, quæ sua est feruens deuotio, in Sanctorum numerum referre merito posse. Nos tamen omnia correctioni, & iudicio Sanctitatis Vestræ, & Sanctæ huius Sedis subijcimus.

Non dubito Beatissime Pater, me in multis in hac narratione defecisse: supplebunt optimè Reuerendissimi Domini mei Collegæ. Mihi Sanctitas Vestra ignoscat, obsecro, si tantæ prouinciæ tam humeris meis impari, ut debui, atque desideravi satisfacere non potui.

POMPEI ARIGONII CONSI-  
STORIALIS ET REGIS CA-  
tholici Aduocati

*Oratio de vita & miraculis B. Fratris Didaci,  
qua Regis nomine B. Didacus canonizari po-  
stulatur, habita Roma in Consistorio publico,  
Die xxv lunij, Anno M. D. LXXXVIII.*



V M multis alijs in rebus Philip-  
pus Hispaniarum Rex summā in  
se Dei beneficentiā agnoscit, tum  
inter præcipuos Regni thesauros,  
diuino sibi beneficio tributos æ-  
stimat, in sua ditione viros egre-  
gios extitisse, qui cælestem in terris viuendi ratio-  
nem ingressi, sibi quidem ad cælum aditum ape-  
ruerunt, ceteros autem sua apud Deum gratia  
suoq; patrocinio tuentur. Quamuis enim qui hu-  
manas hæc curas exuunt, Deo prorsus addicti, nō  
vnā gentem, aut alteram solum diligant, sed di-  
uini instar numinis, cuius spiritu ducūtur, vniuer-  
sum genus humanum suo amore ac beneuolentia  
complectantur: tamē proximi cuiusque maior est  
caritas, ac beatarū mentiū benefaciendi voluntas  
ad omnes, beneficia ad vtentes pertinent: quos ex  
propinquis frequentiores esse, quam ex alienis ne-  
cesse est. Merito igitur pius, vereq; Catholicus Hi-  
spaniarū Rex B. Didaco in sua ditione orto præ cæ-  
teris gloriatur; cuius & in popularibus opē exper-  
tus est, & in filio primogenito iam à Medicis om-  
nibus destituto, quemadmodū suo loco dicemus.  
De huius

De huius ego vitæ sanctitate, varijsque miraculis, tuo Pater sancte, Regisque iussu hodie verba factururus, illud in primis oro, ne ex mea tenuitate sanctissimi Viri virtutes æstimentur: neu mihi conatus, cui me imparem fareor, audaciæ tribuatur: sed mea potius in re tam ardua voluntas atque alacritas commendetur, imbecillitas, parendique necessitas excusetur. Nam diuina mortali cuiquam assequi nefas. nec tamen quia de diuinis dignè dicere nequeas, idcirco nihil omnino dicendum: aut quia nulla illis oratio sufficiat, omnis omnino oratio dēneganda. Igitur vitam eius & miranda, non omnia sed pauca de multis, quam breuissimè, simul & verissimè dicam. nam singula recensentem dies deficiat.

Et ex his, quæ dicētur satis apertè liquēbit Beatum hunc virum in Sāctorum numerum referendum. Natus est beatus Didacus in Prouincia Bætica, in oppido sancti Nicolai ditionis Hispalensis, honestis parentibus & Christianis, quales fuisse par est, à quibus tantus futurus vir ad pietatem informaretur. Qui verò dies eius natalis fuerit, aut quo mense, quoue anno in lucem æditus, haud satis compertum habeo ex ijs, quæ vidimus litterarum monumētis. Sed quantum ex eisdem coniectura assequi licet, natum esse credibile est, paulo ante Quadringentesimū supra millesimum annum à Christo nato. Nam cum ad multam senectutē vixerit, & anno Iubilæi Millesimo quadringentesimo quinquagesimo in Urbem venerit, ac duodecim post annis in cælum migrauerit, necesse est natiuitatem eius incidisse in ea tempora, quæ

æ supra memorauit. Cum primæua autem sapē-  
ccepit, humana omnia diuino cultui postha-  
uit. Itaque ne rerum terrestrium cura à cælesti-  
is contemplandis auocaretur, continuò se ab-  
eunte adolescentia in solitudinem, hoc est, in li-  
bertatem vindicauit: atque Eremum patriæ pro-  
inquam coluit, sacerdote quodam ieiuniorum,  
igiliarum, continentia, atque innocentia teste  
e socio. Ibi Dei diuinorumque meditatione ani-  
mum, corpus eleemosynis sustentabat: dumque  
Deo corde aut ore gratias ageret, interim manus  
operi intentæ haud quaquam otio languescebant:  
sed varia è iunipero vascula, salina, coclearia con-  
ficiebat, eaque largiebatur ijs qui victui necessaria  
suppeditabant. si quid autem præterea dare vel-  
lent, id omnino recusabat. Tantus in eius mori-  
bus elucebat virtutum omnium consensus, vt om-  
nium in se oculos raperet, omnes excitaret in ad-  
mirationem sui. Radix autem virtutum omnium,  
& quasi fundamentum humilitas & sui contem-  
ptio, quæque eam sequitur aliorum hominum ca-  
ritas quo nullum aptius vinculum humanæ socie-  
tatis: nam qui seipsum despicit, alios suspicit, is  
nunquam sibi plus sumet quam cæteris, itaq; aut  
iustitiam adeptus iam est, aut iustitiæ valdè pro-  
pinquus: humilitas in eo tanta erat, vt omnes ho-  
mines sibi præferret, in seruire omnibus cuperet,  
senes, iuuenes consilio atque auxilio iuuaret: ca-  
ritatem autem haud faciliè cogitatione assequi, ne  
dum eloqui quisquam possit. Harum virtutum  
fama cum vicinas vrbes impleffet, repentiè ab E-  
remo discessit, & se ad conuentum de Arrixafa

ordinis sancti Francisci à Corduba non longè distantem contulit, seque in illorum ordinem admitti postulat, quos vulgo Observantes vocant, inde ad Monasterium Compluten. eiusdem ordinis, quod est ad ædem sanctæ Mariæ Iesu præfectorum iussis obtemperans se transfert. Hic latior humilitatis campus, vberiorque materia virtutum omnium; nemo constantius atque hilarius Religionis illius iugum tulit; nemo exactius omnia illius Regulæ præscripta servauit; nemo acrius carnis stimulos retudit: nemo eam ieiuniis ac vigiliis, flagellisque fortius maceravit, utq; ingenitos impetus reprimeret, gelidam interdum hyemali tempore aquam ingredi non dubitavit, tam rigida vtebatur castigatione corporis, à capite ad talos usque sese flagellis lacerans, ut nemo humana illam virtute ferri posse putaret. Fortunatas aliquando Insulas petijt, quas Canarias appellant: ibi innumera Canarienses ad Christianam Religionem, verumque Dei cultum traduxit, in his Ioannem Alphonsum quendam, qui eò infidelis atque Idolorum cultor è magna Canaria venerat, is deinde duos filios beato Didaco instruendos, & vera pietate imbuendos tradidit; in magnam inde Canariam profectus, ut incolas ad veram Religionem traheret; magnas ibi Christianæ Religionis propagandæ causâ persecutiones pertulit; magno enim studio martyrij subeundi tenebatur, nisi illum comites à proposito auertissent, qui vereri se dicerent, ne captiui à Canariensibus detinerentur: horum caritas beatum Didacum ab eo consilio retraxit. Quodq; admirationem auget, hæc omnia peragebat



agebat nulla excultus doctrina, nullis litterarū studiis eruditus: erat enim illiteratus, quam ob causam nullis vnquam sacris ordinibus initiatus est, sed (vt vocant) Laicus per omnem ætatem mansit. Quin etiam Conchenſi cuidam amico bonarum artium peritiſſimo, aliisq; non paucis quæſtiones difficillimas de rebus non ſolum ad ſalutē animæ, ſed etiam ad litterarum ſtudia ſpectantibus enodabat: quarum illi ſolutionem neque Salamanticæ neque Lutetiæ, neque aliis in Academiis, in quibus antea ſtudiis operam dederant, inuenire potuerāt. Cū autem omnes omnium conſenſu virtutibus omnibus anteiret, præcipuè in eo pauperum caritas enitebat, his omnia largiebatur: quicquid vndique ab amicis, à cōtubernalibus, à notis, ab ignotis accipere poterat, id omne in uſus pauperum erogabat: cumq; quid illis daret non habebat, vna cum illis eorum miſeriam deplorabat, multisq; lacrymis animi ſui dolorem teſtabatur. Mendicorum vlcera ſuis manibus abſtergebat. Romam venit, vt antè dictum eſt anno Iubilæi: diuerſitq; in Monasterium Sancti Frãciſci, quod eſt ad ædem Sanctæ Mariæ, quæ dicitur Araceli. ingens ibi ægrotorum & languentium numerus: magna inſuper annonæ caritas & penuriâ rerum omnium Vrem inuaſerat. Didacus ægrotorum cura ſuſcepta nra illis caritate ac diligentia miniſtrabat, tanq; affluentia rerum omnium, vt omnes in priſque Monasterii præfectus mirarentur, vnde in tantis aliorum anguſtiis tanta rerum copia peteret: omnesq; opem illam Beati Didaci Deum gratiæ acceptam ferebant: omnes

Didacum vt virum sanctum, Deoque gratissimum mirabantur. Complutum tandem redijt, nam singulas eius actiones persequi nimis longum, & propè infinitum esset, ibique deindè ad duodecim aut tredecim annos vixit tanta cum humilitate, atque in Superiores obedientia, tanta præceptorum obseruantia, tanta vitæ austeritate, tanto exemplo, vt ab omnibus existimatus fuerit obseruatione mandatorum Dei cæteris omnibus qui vlli vnquam Religioni se addixerint, præstitisse. In morbum incidit, qui & illi mortalis huius vitæ finem attulit, atque ad æternam illam ac perennem aditum patefecit. Eius morbi molestias tanta constantia tulit, vt nullum vnquam doloris indicium dederit. Suauiter astantes alloqui, solari, veniam offensionum petere non destitit, donec utroque brachio sublato, quorum alterum magna vi morbi, quod apostema dicitur, immobile fuerat, Crucem amplexus atque exosculatus in illa Hymni verba: Dulce lignum, dulces clauos, & quæ sequuntur, animam Deo reddidit anno post Christum natum Millesimo quadringentesimo sexagesimo tertio. Mortuo Didaco neq; artus obriguerunt, & multis mensibus flexibiles manserunt, vt viuus solent. Odoris etiam suauissimi fragrantia cubiculum oppleuit. Hodicque is odor à nonnullis plerunque sentitur, quanquam sine vllis illum odoribus aut aromatis sepultū fuisse constat: atque ad eius mortui famam ingens populorum concursus est factus. Scio ego Pater Beatissimè de rebus mirabilibus dicenti plerunq; faciles esse audientium aures, & alioquin à tædio narra-

tionis

onis defendit officij necessitas. Veruntamē haud  
quaquam concessa mihi facultate, nec audientium  
benignitate intemperantius abutar. Sed ex ingen-  
i miraculorum copia, quibus diuinus ille vir in  
vita claruit, vnum aut alterum breuiter attingam:  
itemque nonnulla de cæteris, quæ post mortem e-  
uenere. Quid autem mirabilius referam, quam  
quod è Monasterio quodam, quod Hispani Cer-  
raie nominant, Hispalim profectus, mulieri cui-  
dam filiolum in furno latitantem, ibique soporē  
corruptum, accenso dein furno atque vndique  
conflagrante, illæsum à flamma seruauit. Erat  
miserae cuidam mulierculæ septennis filius, aut  
paulò maior, qui sæpius eius iram metuens aufu-  
gere solebat. Is cum die quodam aufugisset, non  
ante diem Dominicum domum redijt: tum veri-  
tus ne à matre vapularet, in furno sese abdidit:  
nam mater pane coquendo seque & puerulum,  
& reliquam familiam sustentabat. Ibi puerum  
iacere mater ignorans furnum vesperi lignis op-  
plet, vt summo mane postridiē incenderet, ac fer-  
uefaceret. Tum sedula mulier, antequam luce-  
ceret, ignem lignis admouet, atque arida farnien-  
tamento impetu flammam corripunt, vt simul &  
puer excitus clamare inciperet, & repente fur-  
nus flammis conflagraret. Quid in tam acerbo  
filij casu mater faceret? quod illi auxilium ferre-  
tur? omni humana ope destituta scissa coma, ge-  
mitu atque vlulatibus domum ac viciniam om-  
nem complet, res ad Beati Didaci aures peruenit.  
ille obuiam factus mulierem solatur, ac bono ani-  
mo esse iubet. hortatur vt ad ædem maiorem Bea-

tae Virginis accedat, ei que se toto ex animo commendet. Non secus atque oraculo monita, relicto furno, ac filio ad maiorem Dei genitricis aedem aduolat. Quid verbis opus est? continuò Beatus Didacus, qui que illi comes aderat, qui & huius rei testimonium perhibuit, in furno illa sum puerum combustis lignis inuenerunt, adductum que ad aedem ubi mater orabat, Canonici albis vestibus in honorem Beatæ Virginis induerunt. Hoc ille miraculo cum Hispalenses omnes obstupescisset, incredibile dictu est, quam ipse sibi solus humilior atque abiectior videretur.

Ex eodem Monasterio cum aliquandò eodem comite ad oppidum Sanlucar de Barameda, absque ullo comiteatu profectus esset, ipse que & comes longo itinere defessi in vicum quendam, quem Palatios vulgo dictitant, diuertissent, vt inde sibi ad victum necessaria corrogarent, neque ibi quidquam opis inuenissent, quo famem sedarent, longum que adhuc iter superesset, comitem hortatus vt in Deo spem haberet, alacriter viæ reliquum obibar, varias Deo laudes concinens. Cum que in planiciem quandam amplam peruenissent, animaduertunt in via propè herbam, quæ Marisma dicitur, mantile quoddam linteum eximio candore, in eo que panem candidum ac duos pisces recens coctos, & malum medicum & insuper vini vasculum. Id illi quanquam diuinitus oblatum rati, non confestim arripuerunt: sed vnde quaque circumspectantes, an quempiam viderent, cuius illa cibaria esse possent (erat autem planicies maxima, vt non minus decem millibus passuum conspici

pici vnde quaque posset) vbi neminem viderunt,  
paratis sibi dapibus refecti, Deo gratias egerunt,  
quodque superfuit, ibidem reliquerunt. Ac Bea-  
tus Didacus comiti gratulatus, quod sibi Deus ne-  
cessaria suppeditasset, non secus atque filiis Israël  
in deserto; tantus in eo fidei candor, & quadam  
vt ita dixerim, simplicitas inerat, vt nihil supra.  
Itaque varias agrotantium ac languentium spe-  
cies ad sanctitatis eius famam undique confluen-  
tium digito lampadis oleo inuncto, ac signo Cru-  
cis facto sanabat. Hæc aliaque innumerabilia ille  
miracula viuens ædedit. Sed & aliquid referamus  
ex iis, quæ summa omnium admiratione mortem  
eius consecuta sunt, ac potius quotidie conse-  
quuntur.

Catharina Martinez Antonij filia ex oppido de  
Duron oriunda, quæ cum muta surdaque esset, ac  
semper paralyti laborasset, ad corpus beati Didaci  
delata, ac signo Crucis eius manu signata, repente  
conualuit: nec tantum suis pedibus incescit, sed e-  
tiam Vicario, præeunte hæc verba protulit, *Laudes*  
*Christo Iesu*, semperque deinceps absque vilo im-  
pedimento locuta est.

Inuenis alius xx. annorum, cum spiritu quodam  
immundo detineretur, ita vt sæpius quotidie in  
terram decidens, ad puteos rapi se diceret, adductus  
ad Sacellum, in quo beati Didaci corpus asserua-  
tur, ibique dies aliquot moratus, sanitatem pristi-  
nam recuperavit.

Maria Garcia, cuius nurui Catharinæ nomine  
certa ex partu pernicies aderat, propterea quod in-

fans in vtero transuersus vnum tantum pedem extulerat, in tanto puerperæ discrimine beati Didaci meminit, allatumq; vestis fragmentum qua Beatus ille vir amictus fuerat, & paululum terræ qua corpus eius tegebatur, nurui superimposuit. ita, quæ diem totum in tanto periculo manserat, continuò partum edidit mortuum quidem, sed ipsa mortis periculo liberata. Tum socrus ex tanto miraculo etiam partui vitam restitui præ fidei feruore à Deo petere ausa, vouēs, si id impetrasset, in sacello B. Didaci se nouem diebus euigilaturam, voti compos facta, infantem, quæ per quatuor horas mortua fuerat cum reuixisset, in sacro Baptismatis lauacro Mariam de suo nomine dici voluit.

Aluarus de Gaa Lusitanus Ancillæ suæ misericordia motus, quæ filiam paucis antè horis mortuam miserabilem in modum lugebat, eam hortatur, vt puellam ad corpus beati Didaci deferret, atque à Deo peteret vt ob eius merita vitam filiæ restitueret. Ancilla cum domini monitis paruisset, quam puellam exanimem domo extulerat, eam uiuentem ac validam domum reduxit.

Quamuis autem mortuos in vitam reuocare inter præcipua Dei miracula censeatur, hæud scio, an maius etiam censendum sit quod virgini cuidam Hispanæ, cui Maria de Pinnuela nomen erat, non vnam tantum vt aliis, sed multiplicem vitam reddidit, tot illa morbis grauissimis laborabat, tam intolerandis febribus vexabatur, tam acribus atque assiduus capitis doloribus torquebatur, vt (si ita dici fas est) multas quotidie mortes experiretur. adhæc humero, crure, tibia debilitata multarum

rum corporis partium vsum amiserat. Tot modis  
afflictam virginem cupido incessit, quando nulla  
iam humana ope sanari se posse sperabat, ad beati  
Didaci corpus adeundi, ab eoque auxilium implo-  
randi. Ita uti petierat eo delata, quid memorem  
quæ puella miranda viderit atque audierit? Ea nec  
referre necesse habeo, & certis extant grauissimo-  
rum hominum testata monumentis. In summa  
quæ per vndecim menses variis cruciatibus exa-  
gitata fuerat, ubi ad beatum hunc virum accessit,  
& morbum toto corpore depelli, & suum mem-  
bris omnibus vigorem restitui sensit, ac suis pedi-  
bus deinceps incessit, Deum laudans, ingentesque  
beato Didaco gratias agens, cuius precibus ac me-  
ritis à Deo salutem impetrasset: atque hoc nostra  
memoria factum est anno humanæ salutis Mille-  
simo quingentesimo quinquagesimo quinto.

Huic miraculo recentius aliud subiiciam, quod  
plerique meministis: factum est enim anno Mil-  
lesimo quingentesimo sexagesimo secundo.

Serenissimus Hispaniarum Princeps Carolus  
olim adolescens, Compluti, cum in Regia luderet  
è scalis quibusdam supinus cecidit, ac tam graui-  
ter offendit, ut ingens in capite vulnus acciperet.  
cum & lethale vulnus omnibus videretur, & de  
salute tanti Principis ageretur, existimandum est  
humanissimum Regem, ac liberorum amantissi-  
mum nihil intentatum reliquisse, quod filio pri-  
mogenito in tanto discrimine adiumento esse pos-  
set. Medicos vndique accersit: remedia quæcun-  
que adhiberi possunt humanitus, adhibentur: om-  
nia tamen vulneri cedunt: itaque desperata filij  
D v salute




salute Rex secessit : sepulturæ locus destinatur :  
panni lugubres : funeralia exequia tanto Principe  
dignæ magna cum cura parantur . Postremo ta-  
men , astantium quorundam animus ad Beatum  
Didacum se conuertit , postulatumque est vt eius  
corpus in cubiculum Principis deferretur , & pro-  
pe eum locaretur . Postquam id factum est , pau-  
carum horarum spatio Princeps meliusculè se ha-  
bere , ac potius reuiuiscere cœpit : vt omnibus li-  
quidò constaret vitam ei non humanitus , sed B.  
Didaci meritò diuinitus restitutam .

Igitur Beatissime Pater , qui ab ineunte ætate se-  
se ab humanis curis omnibus abdicauit , qui vi-  
tam suam omnem Deo dicauit , qui caelestem in  
terris viuendi rationem coluit , qui caritate in ho-  
mines , in Deum pietate cæteris omnibus præsti-  
tit , qui diuinas leges omnes adimpleuit , qui sus-  
ceptæ Religionis iugum non exactè solum , verum  
etiam iucundè tulit , qui præscripta eius omnia ac  
mandata seruauit , cuius vitæ sanctitatem & ex a-  
ctionibus eius nolimus , & ex innumeris mira-  
culis comprobari quotidie videmus , ex quibus  
ego tamen nonnulla recensui , vix tamen eorum  
millesimam partem attingi , quem Deus acceptissi-  
mum sibi æterna beatitudine perfrui non obscu-  
ris indicijs , sed signis certissimis clarissimisq; mon-  
strauit , quem à Sanctissimis Patribus maioribus  
tuis Pio IIII. Pio V. Gregorio XIII. Pontifi-  
cibus Maximis , Hispaniarum Rex ac potius Hi-  
spania tota petijt in Sanctorum numerum refer-  
ri : quem referendum sacri Palatij causarum Au-  
ditores causa ab eisdem Pontificibus delegata viri  
sapien-

sapientissimi, ac diuini humanique iuris peritissi-  
mi censuerunt, quem etiam ex hoc supremo Chri-  
stiani orbis Concilio delecti Patres eadem causa  
diu multumque cognita iisdem honoribus dignum  
iudicarunt. Eundem idem Philippus Hispania-  
rum Rex non minus re quam cognomento Ca-  
tholicus Beati Didaci, tuarumque gloriæ studiosissi-  
mus, enixè rogat, ut Sanctorum numero tandem  
adscribi declares, ut quorum in cælo consuetudine  
fruitur, eorundem numero adscriptum in terris  
Ecclesia debitis honoribus ac laudibus prosequa-  
tur. Hoc si ab ullo ei Pontifice debebatur, abs te  
Pater Sancte præcipuè debetur, qui & eandem  
Regulam coluisti, & eius vitæ imitatione ad istud  
humanarum rerum fastigium ascendisti. Hoc  
abs te suo quodammodò iure postulant plij viri  
omnes, qui eiusdem Regulæ contubernio viuun-  
tur, ne huiusmodi quasi stellarum lumini, quæ in  
sancta ista domo emicant, ignoratione homi-  
num, ac tenebris officiatur. Hoc abs te Toletana  
Ecclesia, hoc Complutensis petit Vniuersitas, quæ  
tali Alumno merito gloriantur, hoc denique Hi-  
spani omnes optimum ac sapientissimum Regem  
secuti summis precibus obtestantur: tibi quæ atque  
huius Sæctæ sedi perpetuam beneficij memoriam  
& gratitudinem pollicentur.

ANTO-



ANTONII BVCCAPADVLI

*Secretarij Apostolici, Sanctissimi D. N.*

*Sixti V. nomine, Responso.*



I V T V R N A M Philippi Regis Catholici postulationem de Beato Didaco, viro & vitæ sanctitate, & miraculorū copia, & magnitudine clarissimo in Sanctorum catalogum adscribendo dignissimam iudicat Sanctissimus Dominus noster perpetua Regis ipsius pietate & gloria. Qui enim curam, cogitationemque omnem habet locatam & fixam in Catholica religione tuenda & propaganda, qui & semper antea, & hoc maxime tēpore summis opibus contendit, vt deleta hæreticorum perfidia fides Catholica in veterem dignitatem atque amplitudinem vindicetur, cuius omnia tum belli, tum pacis studia ad Dei gloriam referuntur, inque ea consumuntur; hunc censet Sanctissimus Dominus noster conuenire, de augenda etiam quodammodò cælestium gloria cogitare & postulare, (si ita videatur Romano Pontifici,

fici, cuius ea potestas, atque actio propria  
est) vt ei Viro, cui nihil fuisset in hac vita  
Deo carius, quiq; ipse Deo carissimus fuisset;  
his honos tribuatur, qui possit maximus  
adhiberi, vt Pontificis scilicet ipsius decreto  
declaretur, Sanctus esse ex eorum numero,  
quos Ecclesia quotidianis honoribus veneratur.  
Et beati quidem illius vita, ac miracula  
aliquot de multis nunc sunt diserta  
& graui oratione exposita. Agit autem Sanctissimus  
Dominus noster Deo gratias immortales,  
quod tanta cum sui nominis gloria, cum  
Ecclesiae lætitia, cum piorum fructu cumulet  
seruos suos summis virtutibus, velitq;  
illos summa apud omnes in veneratione,  
atque admiratione esse. Laudatur Deus in  
sanctis suis, ac mirabilis prædicatur:  
proponitur auxilium ad implorandum;  
exemplum ad imitandum; segnities nostra  
ad accusandum, dum agnoscimus tanto nos  
illis inferiores esse, tamq; longè ab illorum  
perfectiōe abesse. Sed facit rei magnitudo  
vt censeat Sanctissimus Dominus noster de  
Regis postulatione esse etiam atque etiam  
cogitandum, cumq; suis fratribus deliberandum.  
Hortatur igitur eos, monetq; vt de actis  
Beati Didaci, quæ confecta sunt, quā  
diligentissimè considerent: quodq; ipse iam  
pridem facit, Deum orent, è cuius vultu  
de-

debent hominis iudicia prodire, vt ostendat  
quid facto maximè opus sit, actionemque  
hanc omnium grauissimam totam dirigat  
ad suam gloriam, sanctæque Ecclesiæ suæ  
fructum, atque amplitudinem.

FINIS.

BIBLIOTECÀ NAZ.  
ROMA  
VITTORIO EMANUELE.

